

AUGLÝSING

(II) um staðfestingu reglna sveitarfélaga um úthlutun byggðakvóta.

1. gr.

Með vísan til 3. mgr. 6. gr. reglugerðar nr. 722, 4. ágúst 2005, um úthlutun byggðakvóta fiskveiðiárið 2005/2006, staðfestir ráðuneytið eftirfarandi úthlutunarreglur þessara sveitarfélaga:

1. Austurbyggð.

1. Rétt á úthlutun eiga krókaafلامarksbátar og aflamarksskip sem skráð hafa verið með heimahöfn í Austurbyggð fiskveiðiárið 2004-2005 og útgerð hafi þar lögheimili og starfsstöð. Einnig geta bátar/skip átt rétt á úthlutun ef eigendur þeirra hafa átt lögheimili og starfsstöð í Austurbyggð á umræddu tímabili.
2. Úthlutuðum aflaheimildum til Fáskrúðsfjarðar verður eingöngu skipt á milli þeirra báta/skipa sem skráð hafa verið með heimahöfn á Fáskrúðsfirði og úthlutuðum aflaheimildum til Stöðvarfjarðar verður eingöngu skipt á milli þeirra báta/skipa sem skráð hafa verið með heimahöfn á Stöðvarfirði fiskveiðiárið 2004/2005. Litið er þannig á að bátar/skip sem skráð eru í Austurbyggð eigi heimahöfn þar sem lögheimili útgerðar er.
3. Forgang að úthlutun eiga bátar undir 200 brúttótonnum.
4. Umsækjandi skal tilgreina í umsókn hversu miklum aflaheimildum hann óskar eftir og treystir sér til að fara með samkvæmt reglum þessum.
5. Ef umsóknir um veiðiheimildir verða umfram úthlutað aflamark á hvorn stað skal aflaheimildum skipt hlutfallslega milli umsækjenda er uppfylla skilyrði um úthlutun, miðað við það magn sem bátur og/eða útgerð landaði í Austurbyggð á fiskveiðiárinu 2004/2005. Úthlutun verði þó aldrei minni en 5 þorskígildislestir á bát vegna þessa ákvæðis. Aflaheimildum skal fyrst skipt milli báta undir 200 brúttótonnum og því sem þá er eftir skipt milli stærri skipa sem sækja um, á sama grunni og milli minni báta.
6. Umsækjandi, útgerð, bátur eða aðili útgerðar sem hefur áður fengið úthlutað byggðakvóta, eiga því aðeins rétt á úthlutun nú að þeir hafi staðið við reglur sem giltu við fyrri úthlutun. Staðfestar upplýsingar um meðferð áður úthlutaðra aflaheimilda þurfa því að fylgja umsókn.
7. Umsækjandi skal leggja fram gögn um að hann sé eigandi að bátnum er sótt er um aflaheimildir á eða hafi fullgildan samning um leigu á viðkomandi bát.
8. Einungis verði úthlutað til þeirra sem leggja fram samkomulag við fiskvinnslustöð í Austurbyggð um úrvinnslu aflans samkvæmt umsókn. Jafnframt þurfa útgerðir viðkomandi báta/skipa að lýsa yfir vilja sínum til að landa til vinnslu á staðnum þreföldu því magni í þorskígildistonnunum sem þeir fá úthlutað. Í lok kvótaárs skal skila staðfestingu frá vinnslu um að umrætt magn hafi borist henni. Við næstu úthlutun byggðakvóta áskilur sveitarstjórn sér rétt til að miða við landaðan afla til vinnslu í byggðarlaginu á fiskveiðiárinu 2005/2006 við ákvörðun um skiptingu veiðiheimilda.
9. Verði umsækjandi, útgerð, bátur eða aðili útgerðar sem fær úthlutað veiðiheimildum uppvis að því að virða ekki þau skilyrði sem sett eru varðandi vinnslu í sveitarfélaginu fyrirgerir hann rétti sínum til hugsanlegrar úthlutunar næstu 5 árin.

2. Kaldrananeshreppur.

1. Úthlutuðum byggðakvóta Kaldrananeshrepps í þorski, sbr. reglugerð nr. 722/2005, skal landað og hann unninn í heimabyggð.
2. Byggðakvóta skal skipt jafnt milli báta og skulu útgerð og meirihluti áhafnar eiga lögheimili í Kaldrananeshreppi þegar auglýstur umsóknarfrestur rennur út.
3. Útgerð báts sem fær úthlutað byggðakvóta má ekki leigja frá sér aflaheimildir umfram það sem hún hefur leigt til sín í þeim tegundum sem hún veiðir á fiskveiðiárinu 2005/2006.
4. Aðeins einn bátur frá sömu útgerð getur fengið byggðakvóta. Útgerð sem fær úthlutað byggðakvóta er óheimilt að selja frá sér aflaheimildir á fiskveiðiárinu.
5. Útgerðir leggi fram skriflegt samkomulag við fiskvinnslur í heimabyggð um vinnslu þeirra aflaheimilda sem þeim verður úthlutað samkvæmt þessum reglum og að þær leggi fram 5 kíló af þorski fyrir hvert kíló sem þeim er úthlutað af byggðakvóta Kaldrananeshrepps.
6. Komi til endurúthlutunar þar sem aðili sem fengið hefur úthlutað byggðakvóta afsalar sér honum eða missir rétt til hans vegna brota á reglum þessum skal þeim byggðakvóta sem um ræðir endurúthlutað til þeirra skipa sem fengu úthlutun samkvæmt reglum þessum og ekki hafa fyrirgert rétti sínum til hans.
7. Útgerðir skulu í einu og öllu fara að þeim skilyrðum sem hér koma fram. Útgerðir sem ekki fara að skilyrðum reglnanna fyrirgera rétti sínum til hugsanlegrar úthlutunar á næsta ári.
8. Við úthlutun byggðakvóta vegna fiskveiðiársins 2005/2006 koma útgerðir þeirra fiskiskipa ekki til greina sem fengu úthlutað byggðakvóta á síðasta fiskveiðiári og ekki hafa uppfyllt þau skilyrði sem sett voru vegna úthlutunar byggðakvóta síðasta árs í Kaldrananeshreppi, aflakvóti Byggðastofnunar þ.m.t.

3. Siglufjarðarkaupstaður.

Megintilgangur reglnanna skal vera að auka útgerð og vinnslu á fiski á Siglufirði og fjölga störfum.

1. Veiðiheimildum samkvæmt bréfi sjávarútvegsráðuneytisins frá 8. ágúst 2005 skal úthlutað til einstakra aflamarksskipa og krókaaflamarksbáta, sem leggja upp afla sinn til vinnslu hjá fiskverkunarstöðvum eða fiskmarkaði á Siglufirði, samkvæmt nánara samkomulagi. Eingöngu skulu fiskiskip sem skráð eru á Siglufirði 1. september 2005 koma til greina við úthlutun aflaheimilda. Ekkert fiskiskip skal hljóta meira en 20 þorskígildislestir. Eftirstöðvum vegna 20 tonna ákvæðis skal skipta á milli fiskiskipa á grundvelli greinar 2.1.b.
Ef bolfiskaflamark skips hefur minnkað frá úthlutun fiskveiðiársins 2004/2005 til 1. september 2005 vegna framsals þá kemur það skip aðeins til greina við skiptingu 15% hlutarins sbr. c-lið 2.1. gr.
Þeir aðilar sem fengu úthlutað byggðakvóta á síðasta fiskveiðiári og hafa ekki fylgt þá-gildandi reglum varðandi ráðstöfun byggðakvóta skulu ekki koma til greina við úthlutun nú.
2. Byggðakvóta verður skipt þannig milli þeirra fiskiskipa að hámarki 30 brúttólestir að stærð er sækja um og fullnægja skilyrðum.
 - 2.1. Veiðiheimildum 210 þorskígildistonnum skal skipt sem hér segir:
 - a) 45% skal skipt jafnt á milli fiskiskipa.
 - b) 35% skal skipt á grundvelli úthlutunar veiðiheimilda í upphafi fiskveiðiársins 2005/2006.

- c) 20% byggðakvóta verður úthlutað í janúar 2006. Um þann hluta geta sótt:
- Fiskiskip sem uppfylla ekki skilyrði um framsal sbr. 2. málsgrein 1. töluliðar.
 - Fiskiskip sem gera út á ferðamennsku.
3. Öllum aðilum á Siglufirði sem úthlutað er byggðakvóta er skylt að leggja til aflaheimildir að lágmarki til jafns við úthlutaðan byggðakvóta og skoðast móttekin umsókn sem staðfesting viðkomandi á því að það verði gert.
4. Þeir aðilar sem úthlutað er byggðakvóta skulu leggja fram gagnkvæman samning við fiskvinnslu/fiskmarkað á Siglufirði um löndun afla. Öllum afla samkvæmt þessari grein skal landað fyrir lok 31. júlí 2006.
5. Úthlutaður byggðakvóti er ekki framseljanlegur en heimilt er að skipta á milli bolfisktegunda. Minnki aflaheimildir fiskiskips sem hlýtur byggðakvóta á yfirstandandi fiskveiðiarí vegna framsals skulu þær afsala sér sambærilegu magni af byggðakvótanum, sem úthlutað verður að nýju.
6. Í lok fiskveiðiarí skulu útgerðir, sem fengið hafa byggðakvóta skila til sveitarstjórnar skýrslu um landaðan afla til vinnslu í samningsbundnum fiskverkunarfyrtækjum eða á fiskmarkaði og skal skýrslan staðfest af viðkomandi samningsaðila. Verði skýrslu ekki skilað eða ákvæðum þessara reglna um löndun og vinnslu afla ekki fylgt skulu viðkomandi bátar og fiskverkanir ekki eiga rétt á úthlutun byggðakvóta komi til slíkrar úthlutunar.

4. Skagafjörður.

1. Sveitarstjórn auglýsir, fyrir 1. desember 2005, eftir umsóknum um nýtingu á þeim aflaheimildum sem koma í hlut Sveitarfélagsins Skagafjarðar skv. ákvæðum reglugerðar nr. 722, 4. ágúst 2005. Umsóknarfrestur er tvær vikur og skal öllum umsóknum svarað þremur vikum eftir að umsóknarfrestur rennur út.
2. Úthlutuðum veiðiheimildum verði eingöngu skipt milli þeirra skipa sem skráð voru með heimahöfn á Hofsósi í upphafi fiskveiðiarí 2005/2006. Gerð er krafa um að útgerð sé með lögheimili á Hofsósi.
3. Umsækjandi skal tilgreina í umsókn hversu miklum aflaheimildum hann óskar eftir og treystir sér til að fara með samkvæmt reglum þessum. Æski umsækjendur í heild eftir meiri aflaheimildum en til úthlutunar eru, verður við úthlutun tekið tillit til löndunarsögu umsækjanda á Hofsósi, stærðar báts og gildi samnings við vinnslu í landi fyrir atvinnulíf á Hofsósi.
4. Einungis verði úthlutað til þeirra sem leggja fram samkomulag við fiskvinnslustöð í Hofsósi um úrvinnslu aflans hjá viðkomandi vinnslustöð. Jafnframt þurfa útgerðir viðkomandi báta að skulbinda sig með sérstökum samningi við sveitarfélagið til að landa til vinnslu á staðnum þreföldu því magni í þorskígildistonnum sem þeir fá úthlutað samkvæmt reglum þessum. Í lok kvótaárs skal skila staðfestingu frá vinnslu um að umrætt magn hafi borist henni.
5. Útgerð báts sem fær úthlutað byggðakvóta má hvorki leigja né selja af eigin aflamarksheimildum (miðað við upphaf kvótaárs) á fiskveiðiarínu 2005/2006. Bátur skal fyrst landa eigin aflamarksheimildum til vinnslu í Hofsósi áður en byggðakvóti er færður á viðkomandi bát. Þó skal tekið tillit til leyfilegs magns sem samkvæmt lögum má geyma milli ára.

6. Úthlutaður byggðakvóti er ekki framseljanlegur en heimilt er að skipta á jöfnu á markaðsvirði á öðrum tegundum en þorski án þess að það teljist framsal á úthlutuðum aflaheimildum. Framselji útgerðir aflaheimildir á yfirstandandi fiskveiðiári skulu þær afsala sér sambærilegu magni af byggðakvótanum, sem úthlutað verður að nýju af sveitarstjórn Sveitarfélagsins Skagafjarðar.
7. Kvótaárið skiptist í þrjú tímabil: September 2005 – febrúar 2006, mars 2006 – maí 2006 og júní 2006 – ágúst 2006. Sveitarstjórn Skagafjarðar færir afla á viðkomandi bát eftir hvert tímabil sem tilgreint er hér að ofan. Þó verður aldrei fært meira á viðkomandi bát eftir hvert tímabil nema helmingur af úthlutuðum byggðakvóta í þorskígildum talið.
8. Fyrir 1. júlí 2006 skulu útgerðir þeirra báta sem fengið hafa byggðakvóta gera sveitarstjórn skriflega grein fyrir því hvernig þeir hafa nýtt og muni nýta úthlutaðar aflaheimildir fyrir lok fiskveiðiárs. Geti hlutaðeigandi ekki fylgt reglum sveitarstjórnar skal hann afsala sér byggðakvótanum, sem sveitarstjórn mun síðan endurúthluta.
9. Sjái aðili, sem fengið hefur úthlutað byggðakvóta, fram á að hann geti ekki staðið við gert samkomulag um veiðar og vinnslu á byggðakvóta samkvæmt reglum þessum þá skal viðkomandi gera sveitarstjórn grein fyrir því fyrir lok maímánaðar 2006 og afsala sér jafnframt byggðakvótanum. Þeim kvóta verður þá úthlutað jafnt milli annarra báta á Hofsósi, sem úthlutun hafa fengið.
10. Standi útgerð eða útgerðarmenn ekki við samkomulag við vinnslustöð(var) og/eða reglur sveitarstjórnar vegna úthlutunar byggðakvóta fiskveiðiárið 2005/2006 koma hlutaðeigandi ekki til greina þegar úthlutað verður næst.
11. Umsókn skal send á:
Sveitarfélagið Skagafjörður
Ráðhúsinu, Skagfirðingabraut 17-21
550 Sauðárkróki
Í umsókn skal tekið skýrt fram:
 - Hversu mikið magn af fiski er fyrirhugað að veiða.
 - Á hvaða bát ætlunin er að veiða.
 - Hversu miklum aflaheimildum útgerðin hefur yfir að ráða.
 - Fyrirhugað fyrirkomulag við veiðar s.s. veiðarfæri, fjöldi áhafnarmeðlima o.s.frv.
 - Önnur atriði sem umsækjandi telur skipta máli við umsóknina.
 Umsóknarfrestur er til 15. desember 2005.

5. Vesturbyggð.

1. Grundvöllur úthlutunarreglna Vesturbyggðar á byggðakvóta er reglugerð sjávarútvegsráðuneytisins nr. 722/2005 um úthlutun á 4.010 þorskígildislestum á kvótaárinu 2005/2006 til stuðnings byggðarlögum. Gildir reglugerð ráðuneytisins í einu og öllu um atriði sem ekki er tekið á sérstaklega í úthlutunarreglum þessum.
2. Úthluta skal til einstakra skipa og báta sem skráðir eru í Vesturbyggð og hafa gilt haf-færnissskírteini, eða hafi haft á nýliðnu fiskveiðiári hlutfallslega miðað við þorskígildislestir sem þeir hafa umráð yfir þegar umsókn er send inn. Gildir þá einu hvort um er að ræða eigin kvóta eða leigukvóta. Umráðaafli skal fundinn út þannig að til viðmiðunar er allur landaður afli frá upphafi kvótaársins fram að umsóknardegi að viðbættri skráðri kvótastöðu þess dags. Útgerðaraðilum báta, sem skráðir eru í sveitarfélaginu, er því gefinn kostur á að auka veiðiheimildir sínar með kaupum eða leigu á kvóta allt til þess tíma að umsóknarfrestur til sveitarfélagsins rennur út og leggja þannig sannanlega eigin umráðakvóta á þeim tímapunkti til grundvallar umsókn sinni, enda skilyrði úthlutunarreglna

uppfyllt að öðru leyti. Ekkert fiskiskip skal þó hljóta meira en 25 þorskígildislestir miðað við óslægðan fisk. Víkja má frá þessari takmörkun á hlut hvers báts fáist heildarhlut einhvers byggðarlags ekki skipt með öðrum hætti. Komi minna en 100 þorskígildiskíló í hlut einhvers fiskiskips, samkvæmt framangreindum reglum, fellur úthlutun til þess fiskiskips niður og skiptist hlutur þess milli annarra fiskiskipa frá sama byggðakjarna.

3. Af þeim 248 þorskígildislestum sem ráðuneytið úthlutaði Vesturbyggð skal við það miðað, verði því við komið, að 140 þorskígildislestum verði úthlutað á báta sem skráðir eru á Bíldudal, 103 þorskígildislestum á báta sem skráðir eru á Patreksfirði og 5 þorskígildislestum á báta sem skráðir eru á Brjánslæk. Takist ekki að uppfylla skilyrði úthlutunarreglna í einstöku byggðarlagi, og fullnaðarúthlutun samkvæmt ofanskráðu næst því ekki, skal þorskígildislestum sem eftir standa úthlutað á báta í öðrum byggðarlögum innan sveitarfélagsins að því gefnu að þar verði uppfyllt skilyrði úthlutunarreglnanna að öðru leyti.
4. Bátum sem úthlutað er byggðakvóta er skylt að leggja til af eigin umráðaafla að lágmarki kvóta til jafns við úthlutaðan byggðakvóta og skoðast móttækin umsókn sem staðfesting viðkomandi á því að það verði gert
5. Afla sem fenginn er á grundvelli aflaheimilda samkvæmt 3. og 4. tl. er skylt að landa til vinnslu í viðurkenndri vinnlustöð í Vesturbyggð sem er með gilt rekstrarleyfi. Skal aflanum landað í þeim byggðakjarna í sveitarfélaginu þar sem úthlutun á sér stað skv. 3. tl. enda liggja til grundvallar, hafi útgerð báts krafist þess, fullgild bankaábyrgð til tryggingar skilvísium greiðslum viðkomandi vinnlustöðvar fyrir landaðan afla. Utgerð báts, sem fær úthlutað byggðakvóta samkvæmt reglum þessum, er því einungis heimilt að landa afla annars staðar að hún geti sýnt fram á með sannanlegum hætti að bankaábyrgð hafi ekki fengist. Skal umsókn um byggðakvóta fylgja staðfesting viðkomandi fiskverkunar á því að afli verði unninn þar ásamt bankaábyrgð, sé hún fyrir hendi. Öllum afla samkvæmt þessum tölulíð skal landað fyrir lok fiskveiðiársins.
6. Úthlutaður byggðakvóti er ekki framseljanlegur. Framselji útgerðir eftir úthlutun byggðakvótans aðrar aflaheimildir sem þær hafa yfir að ráða skulu þær afsala sér samsvarandi magni af úthlutaðum byggðakvóta, sem úthlutað verður þá að nýju. Að sama skapi fellur úthlutun niður í heild sinni til útgerða framselji þær aflaheimildir í meira magni en sem nemur úthlutaðum byggðakvóta. Komi til endurúthlutunar skal úthlutað í samræmi við ákvæði reglna þessara en þó einungis til báta sem ekki náðu hámarksúthlutun skv. 2. tl. við upphaflega úthlutun. Samanlögð má heildarúthlutun til einstakra báta aldrei verða hærri en sem nemur hámarksúthlutun skv. 2. tl.
7. Í lok fiskveiðiárs skulu útgerðir sem úthlutað hefur verið byggðakvóta skila til sveitarstjórnar skýrslu um landaðan afla til vinnslu í því fiskverkunarfyrirtæki, sem þeir tilnefndu sem samstarfsaðila og skal skýrslan staðfest af viðkomandi vinnsluaðila með áritun. Verði skýrslu ekki skilað eða ákvæðum þessara reglna um löndun afla ekki fylgt skulu viðkomandi bátar ekki eiga rétt á úthlutun byggðakvóta komi til slíkrar úthlutunar að nýju á næsta fiskveiðiári þar á eftir.

2. gr.

Leiðréttingar á auglýsingu nr. 970, 11. nóvember 2005.

Öxarfjörður.

2. málsliður 4. tl. orðast svo:

Umsóknarfrestur um byggðakvóta er til 5. desember 2005 og skulu umsóknir hafa borist fyrir kl. 16.00 á skrifstofu sveitarfélagsins þann dag.

3. gr.

Auglýsing þessi er gefin út með stoð í 3. mgr. 6. gr. reglugerðar nr. 722, 4. ágúst 2005, um úthlutun byggðakvóta fiskveiðiárið 2005/2006, til þess að öðlast þegar gildi.

Sjávarútvegsráðuneytinu, 22. nóvember 2005.

F. h. r.

Jón B. Jónasson.

Guðný Steina Pétursdóttir.

B-deild – Útgáfud.: 24. nóvember 2005